

IV. OPOSICIÓN E CONCURSOS**CONSELLERÍA DE SANIDADE**

ORDE do 18 de xuño de 2026 pola que se resolve a convocatoria pública para a provisión, polo sistema de libre designación, dun posto de traballo vacante nesta consellería (código do posto CSA991000532001001).

Mediante a Orde do 5 de maio de 2026 (DOG núm. 88, do 13 de maio) anúnciase a convocatoria pública para a provisión, polo sistema de libre designación, do posto de traballo vacante na Consellería de Sanidade que se detalla no anexo I desa orde.

De conformidade co establecido no artigo 92 da Lei 2/2015, do 29 de abril, do emprego público de Galicia, e no artigo 27 do Decreto 151/2022, do 4 de agosto, polo que se aproba o Regulamento dos procedementos de mobilidade do persoal funcionario de carreira da Administración xeral da Comunidade Autónoma de Galicia e das entidades públicas instrumentais integrantes do sector público autonómico, e no uso das atribucións conferidas polo artigo 17.2.c) da citada lei, esta consellería

DISPÓN:

Primeiro. Resolver a convocatoria pública efectuada pola Orde desta consellería, do 5 de maio de 2026, e designar a persoa cuxos datos se sinalan no anexo desta orde para ocupar o posto que tamén se especifica e que é seleccionada conforme o establecido nas bases da citada convocatoria.

Segundo. De conformidade co establecido no artigo 8 do dito Decreto 151/2022, do 4 de agosto, o prazo para tomar posesión do novo destino será de tres días hábiles se non implica cambio de residencia ou de sete días hábiles se comporta cambio de residencia. Cando o/a adxudicatario/a do posto obteña coa súa toma de posesión o reingreso ao servizo activo, o prazo será dun mes.

O prazo de toma de posesión comezará a contar a partir do día seguinte ao do cesamento, que se deberá producir no prazo de tres días hábiles contados a partir do día seguinte ao da data de publicación desta orde no *Diario Oficial de Galicia*, agás no caso de procedencia doutras administracións, en que se deberá efectuar dentro dos tres días hábiles seguintes ao da comunicación da resolución de traslado á Comunidade Autónoma, co límite de dous meses.



Se a resolución comporta o reingreso ao servizo activo, o prazo de toma de posesión computarase desde a data de publicación desta orde no *Diario Oficial de Galicia*.

O cómputo dos prazos posesorios iniciarase cando rematen os permisos ou licenzas que, se é o caso, lle fosen concedidos ao/á interesado/a.

Nos supostos de baixa temporal ou transitoria, o cómputo do prazo iniciarase a partir da correspondente alta.

Terceiro. A Xefatura do centro en que cause baixa o/a traballador/a, así como a daquel en que obteña destino, emitirán, dentro do prazo sinalado no punto anterior, as correspondentes dilixencias de cesamento e toma de posesión, das cales se dará traslado á Dirección Xeral da Función Pública da Consellería de Facenda e Administración Pública.

Cuarto. Contra esta orde, que pon fin á vía administrativa, poderase interpoñer recurso contencioso-administrativo no prazo de dous meses, contados a partir do día seguinte ao da súa notificación, ante o xulgado do contencioso-administrativo competente, de conformidade co establecido nos artigos 8, 14 e 46 da Lei 29/1998, do 13 de xullo, reguladora da xurisdición contencioso-administrativa.

Potestativamente, e con carácter previo, poderase interpoñer recurso administrativo de reposición, ante este órgano directivo, no prazo dun mes a partir do día seguinte ao da notificación, segundo o disposto nos artigos 123 e 124 da Lei 39/2015, do 1 de outubro, do procedemento administrativo común das administracións públicas.

Santiago de Compostela, 18 de xuño de 2026

Antonio Gómez Caamaño
Conselleiro de Sanidade

ANEXO

Datos do/da funcionario/a:

Apelidos e nome: Vila Dorrió, María Belén.

NIF: ***5685**.

Corpo/escala/clase: corpo facultativo superior da Xunta de Galicia/escala de saúde pública e administración sanitaria/clase de farmacéuticos/as inspectores/as de saúde pública.

Subgrupo: A1.

CVE-DOG: ftqm95o1-yja7-qfp1-qzb7-g3qmm9w8cto6



Datos do posto de traballo:

Denominación do posto: xefe/a do Servizo de Control de Riscos Ambientais.

Código do posto: CSA991000532001001.

Nivel CD: 28.

Centro directivo ou dependencia: Departamento Territorial da Consellería de Sanidade de Ourense.

Localidade: Ourense.

(*) O NIF amósase cifrado coa finalidade de protexer os datos de carácter persoal.

CVE-DOG: ftqm95o1-yja7-qfp1-qzb7-g3qmm9w8cto6

